



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus IV. De effectu accusationis criminalis.

---

[urn:nbn:de:hbz:466:1-73064](#)

nonico (in quo non poena ordinaria delicti, sed minor imponi solet. c. qualiter. 2.4. h. t.) iterum super eodem accusari potest. Idem est, si absolutus fuit in judicio per viam de-nuntiationis vel exceptionis; cum haec non tendant ad vindictam publicam; sed, illa ad emendationem; ista, ad repellendam intentionem actoris.

58 Fallit 7. si accusatus de crimen, sit absolutus ab illo, solum pro foro interno, seu quoad Deum (veluti per baptismum, aut penitentiam) quia forum internum, & externum, ad diversos fines, & effectus tendunt. Fallit 8. in criminibus mixti fori v. g. sacrilegii, adulterii &c. hinc absolutus, & punitus à Judice Ecclesiastico, potest ad-huc accusari, & puniri à Judice seculari, & econtra c. Felicis. §. per hoc quoque, de poenit. in 6. ibi: Per hoc quoque secularibus potestibus non adimimus facultatem utendi legibus contra tales, quas adversus sacrilegos Catholici Principes ediderunt. Sic Jul. Clar. cit. q. 57. tum quia poena spiritualis non tollit temporalem; tum quia jurisdictio Ecclesiastica est prorsus separata, & independens à seculari, & ideo locum non habet in altero foro, exceptio rei, judicata in uno. Ita Pirhing h. t. n. 27. limitat. 8.

59 Quæstio est 3. an accusatus de uno cri-mine, possit simul, & eodem tempore ac-cusari de alio? R. posse, non tantum ab alio, sed etiam ab eo, qui accusavit de pri-mo; quod intelligendum est, si utriusque accusatio simul fiat; si enim successivè, & accusatus interim foret absolutus, ex dictis constat, quid dicendum?

60 Quæstio est 4. an etiam Episcopi crimi-naliter accusari possint? R. posse, ex c. si quis Episcopus. 2. h. t. ubi dicitur, causas eorum criminales ad Primate canonice deferendas esse, non ut ipsi definiant, sed ut sensum suum super iis ad Pontificem re-ferant; de quo calu specialia constituta sunt in Trid. Sess. 13. de reform. c. 6. 7. & 8. item sess. 24. c. 5. &c. de quibus Wagnereck in Exegesi ad cit. c. si quis Episcopus. n. 2.

61 Quæstio est 5. an, & a quo possit repel-li accusator inhabilis? R. si Reus excipiat contra illum, debere repellere à Judice; Reo autem nihil opponere, debere repellere ni hilominus ab eodem ex officio. Nam quando accusator non est legitimus, Reus non est molestandus, nec trahendus ad judicium c. si legitimus. 1. de accusat. Vivianus in ratio-nali Juris Pontif. l. 5. pag. 1. Et ideo de ac-

tom. V.

cusatoris persona prius querendum est in Judicio. In primis, 2. q. 1. & L. si queramus, ff. de Testam. Sic Barbos. in cit. c. 1. n. 1. Ju-dex enim ex officio potest repellere accusa-torem non idoneum. Sic Jul. Clar. §. fin. q. 15. n. 1. quod intellige, si sit omnino inha-bilis (ut Judeus, infamis, vel talis, qui repellitur odio ipsius personæ; seu qui nec expressè, nec tacite consensu partium ha-bilitari potest, v. g. inimicus) non autem, si secùs, sic Boiardus apud Barbos. cit. n. 2.

Not. autem 1. quod si Reus, seu ac-<sup>62</sup> cusatus in hoc casu non sit infamatus, de-beat absolviri ab observatione judicii; si ve-ro sit infamatus, illi debeat indici purgatio canonica c. Presbyter 2. q. 5. juncta Gloss. fin. ibidem. Not. 2. Exceptionem, quod accusator non sit legitimus, esse dilatoriam; con sequenter ante litis contestationem esse opponendam; non postea, nisi Reus igno-raverit, hanc exceptionem sibi competere. Abbas in c. 1. h. t. n. 2. Not. 3. nullum Episcopum posse suos familiares, ipsum ac-cusare volentes, ab accusando repellere, exceptione criminis, quos prius, quam sci-ret, se ab illis accusandum, à sua familiari-tate non repulit c. Nulli 5. h. t. intellige, se prius novit, eos tales esse. Potest tamen ejusmodi homines criminosos ex officio re-pellere Judex; quia pertinet ad bonum Rei-publicæ, ejusmodi homines à judicio re-pelli. Gloss. in c. Nulli. V. Repellere, & V. familiaritate.

Not. 4. licet quis agere, vel accusare in judicio non possit (ut infamis, excom-municatus &c.) eum tamen posse alteri opponere exceptionem. Nam exceptio habet rationem defensionis; Bartol. in L. servos. ff. de accusat. n. 1. & Jul. Clar. cit. q. 15. n. 3. Not. 5. quod processus accusa-tori formatus ex accusatione ejus, qui ju-re prohibetur accusare, teneat, & effectum habeat, si Reus contra illum non exceptit, sibi enim Reus imputare debet, quod ex-ceptionem neglexit sic Jul. Clar. cit. q. 15. n. 5.

#### ARTICULUS IV.

De effectu accusationis criminalis.

A Ntere solutionem supponendum i. f. 64. Mam in genere, nihil aliud esse, quam opinionem voce populi nuntiatam, seu, ut nota Benedictus Pereyra in Eluci-dario Theol. moral. & utriusque juris, juxta

B 2

112

numerum margin. 913. *mulsorum* (nimirum majoris partis in tali loco, vel vicinia) *opinionem de aliquo facto, negotio, vel vita, & moribus alterius.* Ex quo vides, aliam esse *famam inter homines;* aliam *de homine.* Fama *inter homines* est publica, & communis opinio, existimatio, vel proclamatio, quæ interdum ex scientia, interdum ex suspicione procedit, ac quandoque ex certo, quandoque ex incerto authore, ut ait gloss. in c. *Manifesta.* 2. q. 1. V. *Manifesta.* Fama *de homine,* est, quando talis existimatio communis est de hominis vita, & moribus, comprobando eos, vel reprobando.

65 Ex hoc sequitur *famam de homine* quandoque esse in *bonum*, quandoque in *malum.* In bonum apud Juristas L. *Cognitionum* 5. ff. de extraord. cognit. definitur: *status illæsa dignitatis, legibus, & moribus comprobatus, ac in nullo diminutus;* & sic est argumentum virtutis, teste Baldo in c. *In Genesi*, de Elect. n. 66. in *malum* autem est, *status dignitatis laesa, ex vita, & moribus talis hominis reprobatus, seu diminutus.* Nam *dignitas* hic accipitur non pro honore publico, v. g. quod sit Rex, Consul, Abbas; sed pro vita recta rationi, & formæ sui status consona. Ita Sanch. in *Consil. moralib.* 1. 6. c. 3. dubio 4. n. 1. ex Panorm. c. *Vestra.* de Cohabit. & Summis. V. *Infamia:* quando ergo de dignitate alicujus in hoc sensu est communis opinio bona, *bona fama* quis dicitur; si mala, *mala.* Et ideo famæ (nimirum bona) opponitur *infamia*, ac idem valet, atque *non fama*, vel *sive fama.* Apud Latinos est *macula*, seu *probrum*, ut docet Pereyra cit. n. 916. apud Juristas idem, *ac nota.* L. 1. ff. de his, qui notant. infam. Et ideo aliquem *notare*, sumitur pro *infamare;* qui autem in jure dicantur infames, & quibus subjaceant? petendum est ex Cod. Tit. Ex quibus caus. infamia irrogetur; & ff. Tit. de his, qui notant. infam. Item c. *Infames.* §. *Porro infamia* 3. q. 7.

66 *Infamia* dividitur in infamiam popularem, & legalem. *Popularis* (alio nomine *communis*) dicitur, sinistra opinio, quæ obscurat personæ estimationem, non ex vialicujus legis, sed ex communi hominum iudicio; ac proinde *infamia facti* dici solet: quasi ab ipso facto, non autem jure. *Infamia legalis* (alio nomine *infamia juris*) est illa, quæ aliquo jure humano inurit aliquam specialem maculam in eo sitam, quod

pariat quosdam effectus morales, ratione quorum quis repellitur à certis Juris actibus, v. g. *ab accusando, testificando, acquirendo &c.* Alia est *civilis*, quæ per jus civile; alia *canonica*, quæ per jus canonicum inducitur, sic Pereyra cit. a. n. 916.

Not. autem 1. quod omnis infamia civilis, per jus canonicum non revocata, censetur acceptata à Sacris canonibus, consequenter etiam canonica sit. Ita Suarez de Censur. D. 48. secl. 1. & constat ex c. *omnes verò* 6. q. 1. junctâ Gloss. V. *leges.* Not. 2. quod utraque legalis infamia (tam *canonica*, quam *civilis*) dividatur in illatam per actum juridicum; & haec appellatur *juris tantum;* & in illatam per factum manifestationem, quæ vocatur *legalis facti*, & est quædam applicatio juris ad tam personam, non requiriens sententiam *Judicis.* Per *actum juridicum* intelligitur sententia *Judicis*, quæ quis de criminis publico criminaliter condemnatus est; vel etiam privato, quod descendit ex actione famosa (cujus nimirum fama ex sufficientibus indiciis orta pervenit ad multos, ita ut major pars illius loci, civitatis, pagi, Parochia, vel vicinæ illud norit) sic Less. I. 2. de Just. c. 11. n. 73. & Fagnanus in c. *Vestra.* de Cohabitat. Clericorum à n. 32.

Ex hac divisione colliges, *infamiam facti* esse in dupli classe; alia enim est, *legalis;* altera, *non legalis.* Illa est, cui crita sententiam *Judicis*, seu alium actum *Juridicum* legis dispositione tribuuntur *tertii effectus morales*, ut dictum est; ista, cuion. Nam non omnis, cuius vitæ & mores reprobantur communi opinione hominum, infamis est *infamia facti*, quæ *legalis* sit: ut dicemus intra. Ut igitur quis dicatur infamis *infamia facti* ex aliquo delicto, tres conditions videntur requiri. 1. quod sit opinio pluri, nimirum majoris partis, ut dicitur. c. *Inquisitionis.* §. *Quasivisti*, de accusat. sic Felinus ibid. *Vetus.* *Tertiò nota*, & alii. 2. quod illa opinio voce hominum manifestetur; fama enim à fando dicitur. 3. quod eiusmodi opinio ducat originem ex probabili suspicione, nimirum ex tali fundamento, & conjecturis, quæ sufficiunt ad causandam opinionem apud viros probos, & cordatos; si enim talis opinio ducat originem ex conjecturis insufficientibus apud eiusmodi viros, non tam erit fama, quam vanæ populi voces. Hinc sequitur, quod esti de aliquo sit communis opinio, etiam

voce populi manifestata, si tamen inde bonum hominis nomen, & fama apud bonos, & graves viros maneat integra, seu illæsa, etiam si apud leves personas laedatur, non dici infamiam facti etiam legalem, ut dicitur in c. Qualiter, & quando, de accusat. ibi: infamia non debet procedere à malevolis, & maleficis; sed à providis, & honestis, non semel tantum, sed sepè; quod etiam habetur in c. In cunctis 11. q. 3. junct. gloss. V. Maleditorum.

Not. autem 1. quando dicitur, ad infamiam requiri opinionem plurium, seu majoris partis alicujus loci, non intelligi de majori parte puerorum, mulierum, vel similibus; sed proborum, & gravium; sicut per oppositum ad famam (nimurum legalem, cuius consideratio in legibus habetur) requiritur opinio apud bonos, & graves. Sic cit. c. Inquisitionis, h. t. & ibi dem Panormit.

Not. 2. Majorem partem hic censeri, quæ est major considerato numero hominum in tali loco, ubi est infamia, seu communis opinio de aliquo in malum. Hinc, si sint in aliqua communitate 30. v. g. & apud octodecim, vel viginti viros ejusdem communis bonum nomen alicujus diminutum sit ex communi opinione, facti ab illo criminis, infamatus dicitur de tali criminis. Sic Panormit. in cit. c. Inquisitionis. §. Quæst. viii n. 6.

Not. 3. Eos, qui sunt infames, infamia facti, repelliti à multis rebus alioquin licitis, quibus ejusmodi infames tanquam indigni, privantur; ut mox patet ex dictis; & hoc intelligitur per effectus morales quos n. 68. diximus causari ab infamia juris, illata solùm per facti manifestationem, non per actum juridicum; his præmissis ad questionem in titulo propositam?

32. Etsi sola criminalis accusatio non constitutat aliquem reum, vel criminofsum, ejus tamen pendientiam prejudicare in quaerendis; sed non in quaeritis. Ut dicitur c. Omnipotens. 4. & c. super his 16. h. t. Et hoc etiam locum habet in dignitatibus seculariibus. L. Reus, ff. de muneric. & honorib. Hinc sic, quod accusatus de crimen, accusatione publica, pendente accusatione, non possit ad ordines, vel Ecclesiasticam dignitatem promoveri. Sic Barbos, in c. Omnipotens. de accusat. n. 1. item quod non possit esse Judge. c. Infamis. 3. q. 7. hoc enim dignitatem dicit; possit tamen esse arbitrus.

Nam hic nullam dignitatem, vel jurisdictionem habet, sed meram, & simplicem cognitionem; Sanch. l. 6. Consil. moral. c. 3. d. 5. n. 11.

Et hoc procedit. 1. licet infamia non praecesserit accusationem. Nam distinctio, si praecesserit, vel non praecesserit infamia, sit tantum in electione, non autem in promotione. Sic Fagnan. in c. Omnipotens. a. n. 29. Procedit 2. ut accusatus pendente accusatione non possit alium accusare; quia non revelatione criminis, sed innocentia Reus purgatur. L. is, qui ff. de publ. Judic. & c. fin. de Testib. Procedit 3. ut non possit testificari in causa criminali, præterquam in criminibus exceptis, ut est casus in cit. c. fin. Nec esse procurator alterius? L. Meam. C. de Procuratoribus.

Not. tamen, id quod diximus, procedere secundum, sic intelligendum, ut non possit reaccusare accusatorem suum in pari, vel minori crimen, nisi suam, suorumque injuriam prosequatur. L. 1. & 6. Item L. Neganda, 19. C. de his, qui accusare non possunt. De majori autem crimen, potest accusatus, alium (falsum extraneum) reaccusare; quia majus crimen objicere licet, L. 1. & gloss. ibid. V. graviora. c. eodem: quia graviori criminis per minus non debet prejudicari, & hoc ante item contestat, non autem, postea. Sic Zoësius de accusationibus in ff. n. 13.

Hæc tamen regula (quod pendentia accusationis præjudicet accusato in querendis) limitatur 1. ut non procedat, si ex illa accusatione, vel denuntiatione, non sit orta infamia apud bonos, & graves viros, sed solùm viles, & malevolos, ne scilicet detur occasio malevolis, temere bonos impediendi a promotionibus. Sic Garcia de beneficiis. p. 1. c. 8. n. 7. Limitatur 2. si accusatio non teneat, & non sit facta legitime; quia nec sententia condemnatoria, etiam super crimen alijs famoso imprimet infamiam, si sit nulla, vel ex defectu jurisdictionis, vel ex inordinato processu, vel sine cause cognitione, vel negata audientiæ ipsi condemnato, ut dicitur c. Impensis. Vers. quia ergo. 2. q. 1. Limitatur 3. si accusatio fiat solùm civiliter ad interesse; & non criminaliter, seu ad vindictam publicam. Sic Fagnanus cit. n. 15. quia accusatio etiam de crimen famoso non infamat, si fiat solùm civiliter. c. Tua. de Procurat. c. Super his. eodem. Nam accusatio civilis

non irrogat infamiam. Fagnan. in c. non debet. de Testib. n. 6.

76 Limitatur. 4. si accusatur Collegium. Hinc pendente accusatione potest aliquis de Collegio promoveri, nisi persona illa in accusatione sit specialiter nominata. c. *Tantis Daniel.* distinct. 81. Archid. in cit. c. n. 5. Limitatur 5. si crimen sit ex levioribus; que autem sint gravia, quæ leviora, vide apud Fagnan. in c. *Omnipotens.* n. 17. & ea referuntur c. *Unum Orarium.* §. alias. dist. 25. Limitatur 6. si crimen, quod aliás infamem facit, sit occultum. Nam infamia legalis ex delicto nascitur; L. *Cognovimus.* ff. de variis & extraord. cognitionibus, sicut fama ex bonis moribus: neutrum autem eorum contingere potest sine publica rerum notitia. Covar. l. 3. Variat. c. 3. n. 2.

77 Ex his colliges, quod accusati opinio graveretur quidem in acquirendo ex sola pendentia accusationis, non tamen cuiuscunquam, sed legitimæ, & criminalis, super criminè gravi, inurente accusato notam infamiam apud viros graves, & bonos. Hinc fit, quod, licet taliter accusatus, etiam ante sententiam, honores petere prohibeatur; sectis tamen sit post annum, si per ipsum non stetit, quod minus causa expediretur. L. *Reus.* ff. de muneribus, & honoribus, & notat Gloss. in c. *Tantis Daniel.* V. obrepit. dist. 8. similiter Judge, licet infamia infamia facti, ex criminali accusatione pendent, non privatur exinde dignitate priùs obtentâ.

78 Coeterum, licet accusationis pendentia præjudicet accusato in acquirendo, non præjudicat tamen in acquisitis, ut dictum est n. 72. Et ideo Notarius, accusatione pendent, potest confidere instrumenta, de quibus est rogatus. arg. L. *quod si forte.* §. 1. & L. *Reo criminis.* ff. de solutionibus, & notat Gloss. in c. *sepè.* V. *Rata manes.* de appellat. Ex quo sit, quod accusatio superveniens non impedit jam promotum ab administratione, nisi sit suspectus de dilapidatione. Sic Fagnanus cit. n. 11. Secus est, si primò quis post infamiam promovendus esset. Hinc Sanch. l. 6. consil. moral. l. 6. c. 3. 2. d. §. n. 10. censet, collationem beneficii, factam infami infamia juris, ipso jure nullam esse, ex c. *Infamibus.* de Reg. juris in 6. & c. *Cum in cunctis.* de Elect. §. *Inferiora.*

79 Dubitatur tamen, an si accusatus, pendente accusatione promotus est, promotio tenet, si postea per sententiam pronuntie-

tur innocens? *qz.* cum Goffredo in c. fin. de Testib. promotionem tenere, si appareret esse accusatum per calumniam, nimis animo, ut à promotione impediretur. L. qui de libertate. ff. de liberalib. causis: secus, si accusatio facta esset ex justa, & rationabili causa. L. qui status. ff. de re militari, & L. qui cum una. §. *Reus.* codem. Illud ad extreum nota, quod literæ ad beneficia, non facta mentione, de pendentia inquisitionis, vel accusationis, & collatio inde secura, non valeat. Ratio est ex n. 78.

Præter hunc accusationis effectum, qui 80 nascitur ex infamia per accusationem criminalem inducita, alius quoque h. t. reperitur, qui est privatio officii, & beneficii, facienda in casu, quo Sacerdos in potatione pernoctavit, & totam noctem potando egit, postea vero manè Missam celebravit, ut dicitur c. si consisterit. 12. h. t. at hic effectus non est accusationis pendentis, sed plenè probata, ut patet ex textu ibi: si de iis rationabiliter convictus fuerit in judicio ante Episcopum, vel sine coactione confessus fuerit.

## ARTICULUS V.

*An accusationem necessario beat procedere secreta monitio?*

A Liqui negant; cum accusatio non 81 ordinetur ad emendationem peccatoris, sed ad punitionem proper bonum commune. Sic Navarr. c. *Inter verba.* corol. 6. n. 640. alii affirmant, prærequiri eam in foro conscientiae, ubi non est periculum in mora, & adest spes emendationis. Nam lex charitatis, ut minori damno, quo potest, damnis occurrit, jure naturali hoc postulat. Ita Sylvester. V. *Accusatio.* q. 3. Alii demum volunt, eam non prærequiri, ubi est præceptum de accusando; secus, ubi non est. Sic Cajetanus cit. apud Sanch. Consil. moral. l. 6. c. 2. dubio 27. n. 2.

Sanchez porrò cit. an. 4. distinguit, & 82 affirmit, non requiri. 1. si quis accusaret solum ad reparationem sui damni, vel, si crimen esset publicum, & judex præcipiter tale crimen accusare, secus, si esset occultum, & non publicum, licet Reipublicæ perniciolum, certissimâ tamen spe securæ emendationis, si secreta monitio præmittatur, quia sic Reus nondum amisit possessionem honoris, & famæ; & malis, ut ponitur, fatis cayetur.

Mihi videtur universaliter tenendum, 83 quo-